

蔡中郎文集

附蔡中郎外傳

蔡邕撰

中華書局

蔡中郎文集

此據十萬卷樓叢
書本排印初編各
叢書僅有此本

重雕蘭雪堂本蔡中郎文集敘

蔡中郎集。北宋本隋書新唐書皆云二十卷。元以後刊本隋書作十二卷。與北宋本及唐書皆不合。至天聖中歐靜刊板。祇存十卷。文六十四篇。又搜逸文八篇爲外傳附于後。共七十二首。陳直齋所錄卽歐本。晁昭德讀書志所著錄亦分十卷。云銘墓居其半。似亦與直齋本同。惟文九十篇與七十二不同。初亦莫喻其故。既而思之。蓋十二者二十之倒文。九十者七十之訛文也。隋書注云。梁有二十卷。錄一卷。謂隋亡其錄。非謂集有缺失也。後漢書蔡邕傳所著詩賦、誄、銘、讚、連珠、箴、弔、論議、獨斷、勸學、釋辭、敍樂、女訓、篆勢、祝文、章表、書記。凡百四篇。歐本十卷六十四篇。得百四篇之半而強。未佚以前。卷帙倍之。不亦宜乎。明宏治中華堅蘭雪堂活字本。卽从歐出。傳古雖殷而讎校甚疏。或上下互倒。或形近互僞。亥豕魯魚。無葉不有。所可貴者。尙存唐以前本之半。非俗本割裂雜糅比耳。歐序疑宗廟頌。魏武祠。喬太尉文。姜伯淮碑。劉

鎮南碑。皆非邕作。雖言之鑿鑿。然未嘗誦言去之也。今蘭雪本有姜劉兩碑。而無宗廟頌祠。喬太尉文。又不足六十四篇之數。豈華氏因歐說而削之耶。抑歐本已削之耶。疑莫能明矣。惟中郎集存于今者。以此本爲最古。藏書家珍同宋刻。其訛誤皆有迹可尋。與明人妄改不同。付工摹刻。與好古者共之。其應改而不改者。附校誤記于後。

光緒七年歲在重光大荒落且月。誥授榮祿大夫三品頂戴前分巡廣東高廉兵備道加四級歸安陸心源撰。

蔡中郎文集序

漢蔡中郎傳。邕博學辭章。爲靈紀十裔及諸雜文章凡百四篇。傳於世。傳所載者釋誨。幽冀刺史闕所陳政要七事。金商門答災異疏。被收時表。及世傳獨斷。女訓。文選。陳太丘等碑文。初學記。短人賦。纔十數篇而已。按唐書藝文志。泊吳氏西齋書目。並云邕集十五卷。今之所傳纔十卷。亡外計六十四篇。其中可疑者。宗廟頌贊述武皇平亂之功。又有昊天眷佑我魏之句。以魏宗廟也。又有魏武帝祠喬太尉文。稱丞相冀州牧魏主操謹遣掾再拜祠文。姜伯淮碑。稱建安二年。又劉鎮南碑。建安十三年薨。太和二年葬。按邕傳本董卓被誅。邕爲王允所害。時年六十一。據邕金商門答災異被收表云。臣今年四十八。靈帝光和元年也。董卓被誅。獻帝初平三年也。光和元年戊子至初平三年壬申。邕正六十一矣。又初平盡四年。改興平。二年改建安。至五年正月薨。操薨三月改延康。十月禪予魏王丕。卽初平四年。是爲二十六年。太和二

年乃魏明帝之二年。至是又八。計邕死已三十六年矣。按初平已前操尙在。誅卓之歲。操始爲東郡太守。破黃巾於壽張。至建安十三年。操自爲丞相。二十一年。操自進爲魏王。亦有魏宗廟。而操不得先稱魏王。武帝及武皇也。其姜伯淮鎮南薨葬相後年代差遠。邕安得紀述耶。是集也。今旣缺五卷矣。見所傳者。蓋後之好事者不本事迹。編他人之文相混之耳。非十五卷之本編。固矣。建安黃初之文。體多相類。復不逮廣被衆集。固不可知其誰之作也。偶閱有有得。識于帙末。天璽紀號龍集癸亥。余月哉。生明後八日。海陵西齋平陽歐靜識之序。

蔡中郎文集目錄

卷一

故太尉喬公廟碑

中鼎銘

黃鉞銘

朱公叔麟

墳前石碑

東鼎銘

四鼎銘

太尉喬公碑

鼎銘

王子喬碑

卷二

郭有道太原郭林宗碑

陳太丘碑

汝南周巨騰碑

貞節先生陳留范史雲銘

處士國叔則銘

文範先生陳仲弓銘

陳太丘碑

彭城姜伯淮碑

玄文先生李子材銘

卷三

司空楊秉碑

漢太尉楊公碑

司空羅晉侯楊公碑

文烈侯楊公碑

琅邪王傳蔡期碑

劉楨南碑

卷四

太傅安樂鄉文恭侯胡公碑

胡廣碑

胡公碑

太傅祠前銘

漢交趾都尉胡府君夫人黃氏神辭

太傅安樂侯胡公夫人黃表

關邸胡公夫人哀讚

卷五

光武濟陽宮碑

太尉汝南李公碑

陳留索骨上里社銘

陳留太守胡公碑

胡碩碑

卷六

答丞相可齊議

同冀二州刺史久缺疏

離夏育上官鮮卑仍犯諸郡

答詔問災異入事

被收時表

卷七

和熹皇后誄

爲陳留太守上孝子

薦逸文證

薦皇甫規

卷八

表太尉董公可相國

巴郡太守謝版

九觀辭

上元加服與羣臣上壽

讀高陽侯印綬符策

卷九

京兆樊豐渠頌

袁滿來碑銘

司徒袁公夫人馬氏碑銘

卷十

明堂月令論

外傳

胡廣黃瓊頌

述行賦

飲馬長城窟行

篆勢

讀尚書乞在兩亢

宗廟祝嘏辭

宗廟送級辭

褒賈餘煥頌上章謝碑

郡掾史張玄祠堂碑銘

幼童胡根碑銘

濟北相崔君夫人誄

月令問答

上漢書十志疏

短人賦

釋詁

隸辨

蔡中郎文集卷一

漢左中郎將蔡邕伯喈撰

故太尉喬公廟碑

光光列考。伊漢元公。克明克哲。實叡實聰。如淵之淺。如岳之嵩。威壯虓虎。文繁雕龍。撫柔調重。戎狄率從。敷敘中夏。五教攸通。帝謂我后。朕加君功。命君三事。時亮天功。公拜稽首。翼翼惟恭。左右天子。祗厥勳庸。庶績既熙。黎民時雍。上下體寧。八方和同。丕顯伊德。作憲萬邦。公諱玄。字公祖。少辟孝廉。辟司徒大將軍府爲侍御史。敕一州典五郡。出將邊營。入掌機密。歷三卿同三司。享年七十五。光和七年夏五月甲寅。以太中大夫薨于京師。朝廷所以吊贈如前之儀。其九月乙酉。葬於某所。三孤故臣門人相與述公言行。咨虞聘。文德銘於三鼎。武功勒於鉉鉞。官簿第次。事之實錄。書于碑陰。俾爾昆裔。永有仰于碑陰。

喬氏之先。出自黃帝。帝葬于喬山。子孫之在不十二姓者。咸以爲氏。漢興。世以禮樂爲業。高祖諱仁。位至大鴻臚。列名於儒林。祖侍郎廣川。相考東萊太守。公稟性貞純。幼有弘姿。剛而不虐。威而不猛。聞仁必行。睹義斯居。文以典術守。以繼固。弱冠從政。嘗官而行。刺史國公辟舉從事。所部二千石受取有驗。公糾廢臧罪。致之於理。時有椒房桂戚之託。周公累息功。不爲之勳。史魚之勁直。山甫之丕阿。於是始形舉孝廉。除郎中洛陽左尉。特進顯王。梁不疑爲河南尹。嘗事以對。是時畏其機寵。而爲風辱者多矣。公不折節。解印綬去。辟司徒舉高第。補侍御史。以詔書考司隸校尉趙邯。事子尉郭貞私與公書。非接使御命之儀。公封書以聞。貞以文章得用。鬼薪公離司寇。辟大將軍梁公幕府。歷以掾正于其隆。捐將軍蓋之無冒不辭。又以高第補侍御史。在職旬有羌戎匪茹。驚驚龍漢。西府舉公。拜涼州刺史。威名克

宜。凶虐革心。清風席卷。至則無事。車師後部阿羅多卑君相與爭國。兵作亂。公遣從事牛稱阿傳輕舉騎。奉許黃。收阿羅多卑居聚燧。煌正處以聞。阿羅多爲王。卑君侯稱以奉使。副指除侯部候。不動于戈。揮鞭而定西域之事。以美談又值饑荒。諸郡飢餓。公開倉廩以貸。救其命。主者以舊典宜先請。公曰。若先請。民以死。康乾乃上之。詔報曰。邊穀不得妄出。玄搜出。于是玄有汲黯憂民之心。後不以爲常。公逮于事情。剖斷不疑。皆此類也。遷齊相。視民如保赤子。討惡若赴水火。刑明賞達。民知勸懼。臨淄令賂之。賊多阻止。正受鞠。就利沒齒。無怨。以不先請。免官。徵拜上谷太守。民有父子俱行凶。人人惡言。當道曉之不止。其子殺之而捕得。公以其見侮辨直。不舉文書。以遇故令。蕃縣有帝舜廟。以故事齋祠。戶曹史張機有惡。罰巫。自託以葬。命約公云。不得譴公。覺其奸惡。收考首伏。即日伏辜。遷漢陽太守。上邽令皇甫貞賊罪明。收考髡笞。死于冀市。後以病去。徵拜議郎。司徒長史。循王愷。桓帝同產。以懷逆謀。封獲陶王。以公長子。帶。拜鉅鹿太守。愷畏怖明憲。檢于靜息。自將作大匠徵。未到而章訪先入。故轉拜議郎。遂用免官。徵度遂將軍。遷河尹。少府大鴻臚。司徒司空。託病而去。悉引素災。雖非己責。公皆以自克。遜位。歲餘。拜尚書令。時河間相蓋升。以朝廷在蕃國。時鄰近舊恩。歷河南太守。太中大夫。在郡受取如億以上。創海深刻。公表升會放狼籍。不顧天網。損辱國家。爲上招怨。當肆市朝。以謝兆民。幸遇贖令。踰除惡。在可免。升官。蔡邕終身沒入財賂非法之物。以充幣藏。懲戒羣下。連喪上不納。而升遷爲侍中。公稱病辭。徙拜光祿大夫。復拜太尉。如前遜位。復拜少府。病不職。拜太中大夫。凡所授祿。皆公府所特表。遇臨離受位。自九列之後。乃以不貽。公耗綱張弛。氣決不予。見是非而作。速於登機。乃聽居從容。申申和樂。寬裕。愛士親仁。凡見公容貌。聞公聲。莫不熙怡悅懽。思樂模則。來者忘歸。去者願還。雅性謙克。不吝於利欲。惟爾子。孫。並在仕次。曾無順媚一言之求。身沒之日。無獲大位。在百里者。莫得好縣。比方公孫。未有若茲者也。初公爲舍於舊里。躬率。惟與其。至於卽世。樞損無所清儉。仁以與之。効於斯爲著。魏鑣乎若德。允世之表儀也已。

東鼎銘

維建寧三年秋八月丁丑，延公于玉堂前廷，乃詔曰：其以大鴻臚喬玄爲司空，拜稽首以讓。帝曰：俞往。三讓然後受命。公乃虔恭夙夜，帝采勳施八方，勞作穰穰，以對揚天子丕顯休命。曰：在先民職于天，內不著股肱，悉其思心，式率天行，式昭德音。公亦克紹厥由，鑒于法，罔敢不法。卿于誠，罔敢不法。卿于誠，用維是羣后，保文帝家，勛在方冊，民咸曰：休哉。惟帝念功。越若來二月丁丑，遷于司徒。

中鼎銘

維建寧四年三月丁丑，延公登于玉堂前廷，乃制詔曰：其以司空喬玄爲司徒，公拜首以讓。帝曰：俞往。三讓然後受命。公允迪厥德，宣力肆勤，戰兢兢兢，以役帝事。越其所以率夫百辟，媚于天子曰：都。愼厥脣思永，開寅協恭，以和天衷。德則昭之，遠則垂之，罔乃不敬不朝，枉乃不敢不匡。股肱之事，既充。三事之繇，允備。災眚作見，乃引其青白。凡庶微不若，舉倫不敘，是惟臣之敝，祗以疾苦矣。越十月庚午，記此。

西鼎銘

維光和元年冬十二月丁巳，延公入崇德殿前，乃制詔曰：其以光祿大夫玄爲太尉，公拜稽首曰：臣聞之，三讓莫或克從。臣不敢辟，臣犬馬齒七十，可以生，可以死，其戮力闢私，悉心在公，以盡爲臣之節。于時侍軒私階，與聞公之昌言者，莫不惕厲如履薄冰。既乃碑喪有代。

黃鉞銘

孝桓之季年，鮮卑入塞抄盜，起凶奴左部。梁州叛羌逼迫，兵誅淫衍，東移高句麗，關于百固，逆謀並發。三垂騷然，爲國憂念。四府喪公，昔在梁州，柔遠能邇，不煩軍師，而軍師克定。及在上谷，漢陽，連在犍郡，督力方剛，明集御衆，徵拜度遼將軍，始受龍鉞鉞鼓之任，并繫三垂。

公以吏士平乃口口勤於奔命。人馬疲羸。饒請且息。州縣橫發之役。以補漸銳。朝廷許之。于是儲庫豐饒。奉使不懸。人逸馬馵。弓勁矢利。而經用省息。官有餘資。執事無放散之尤。簿書有通入之福。治兵示威。戎士角陣。旌旗曜日。金鼓震響。守有山岳之固。攻有必克之勢。羌戎受首于西。百固冰散于東。鮮卑收迹。烽燧不舉。跡事三年。馬不帶銖。弓不受弦。是用鑄石作茲鉦鉞軍鼓。陳之東階。以昭公文武之勛。將帝命將軍。乘茲黃鉞。威靈振耀如火之烈。公之位。羣狄斯柔。齊并罔設。人士斯休。

太尉喬公碑

公諱玄。字公祖。梁國睢陽人也。大鴻臚之曾孫。廣川相之孫。東萊太守之元子也。膺受純性。誕有特表。岐嶷而超等。總角而逸羣。至于初。神高明卓異。爲衆傑雄。其性爽暢。尙朴有折而不撓。臨大節而不可奪之風。經藝傳記。周覽博涉。瑰琦在前。靡所不識。當世是以服重器。歸高名。州郡交請。待以訪斷。歷端首則義可行。處爪牙而威以布。察孝廉。除郎中。洛陽左尉。以公事去。辟司徒。舉高第侍御史。直道而往。用已其在。辟大將軍。而府表拜涼州刺史。遷齊相。以公事去。詔書印綬。即家拜上谷太守。遷漢陽太守。徵拜議郎。司徒長史。鉅鹿太守。被詔。書爲將作大匠。爲受罰者所章。拜議郎。即徵拜度遼將軍。遷河南尹。少府大鴻臚。遼陽司空。司徒。託病遜位。起家拜尙書令。以疾篤。稱拜光祿大夫。後拜太尉。久病自替。復爲少府。太中大夫。春秋七十五。光和七年五月甲寅薨。公性質直。不憚強禦。在憲臺則有蠶規之忠。領州郡則有虎賁之威。其拔賢如旋流。討惡如霆擊。每所臨向。清風光翔。遠近豫。茲可謂超越衆庶。彰於遠邇者已。于是故吏司徒傳陵繼烈。廷尉河南吳整等。以謂至德在已。揚之由人。苟不備述。夫何舍焉。乃共勒嘉石。永昭芳烈。遂作頌曰。

赫矣喬父。秉文握武。內爲宗幹。出爲藩輔。在憲彈枉。竟由厥矩。允牧于涼。劉彼裔土。爰將度遼。亦用齊序。數敘四畿。旋統京宇。敦茲五服。衆庶是與。齊踐七命。翼我哲聖。登空補表。陟徒訓敎。尹尉清晨。照帝之政。終始爲貞。煥章以定。遺愛在民。皇哀其命。立石刊銘。其迹斯顯。魂而有靈。萬億其盛。

朱公叔議

漢徐州刺史南陽朱公叔卒。門人陳季珪等議所諡。云宜曰忠文子。陳留蔡邕議曰。昔在聖人之制諡也。將以勸善彰惡。俾民興行。賢愚咸否。依事從實。雖文武之美。靈厲之祿。罔不具存。自王公已降。至于列國大夫。皆用配號。傳于無窮。秦祚一言諡而黜其事業。與已來。惟天子與二等之爵。然後有之。公卿大臣。其禮闕焉。歷世彌久。莫之或循。益州府君貫綜典術。串由舊章。始與諸儒考禮定議。加陳留府君以益州之諡。是後覽之者。亦無間焉。今子寬纂襲前業。不忘遺則。孝既至矣。禮實宜之。謹覽陳生之議。思忠文之意。參之羣學稽之證法。夫萬類莫貴乎人。百行莫美乎忠。故夏后氏正以人統。教以忠德。然則忠也。人德之至也。而猶有三焉。孔子曰。進思盡忠。又曰。臣事君以忠。奉上之忠也。爲人謀而不忠乎。焉能無誨之忠也。春秋左氏傳。小大之獄。必有情忠之屬。又曰。上思利民。忠之至也。三者人之剛而忠。行乎其忠。益州府君自始事至沒身。忠言不輟乎口。謀不已乎心。其在帝室。正身危行。言如砥矢。策合神明。變遷之誠。文章具存。奉上忠矣。其在部臣。匡口諍梁。出自一疑心。不我聽者。果有顛覆不測之禍。謀誨忠矣。爰牧冀州。時值凶荒。勞苦思勸。恤度事。誅隨食暴。糾戢貴黨。雖則強禦。當官能行。夫豈淫刑。將有利也。發墓盜棺。議而不罪。夫豈溺威。察以情矣。攝下忠。位在牧伯。職據納言。秉轡食祿。實有年數。而居無畜好。財貨不益。舊糲食。概布衾。謂之精隨者。昔魯季孫行父卒。宰氏家器。無衣帛之妾。無食粟之馬。君子曰。相三君矣。而無私積。可不謂忠乎。而諡曰文子。春秋外傳曰。忠文之實也。然則文忠之彰也。以爲實文以彰之。事通議合。兩名一致。是忠貞儉之稱文也。邾子貜孫卜遷于史。釋曰。利于民。不利于君。公曰。民苟利矣。孤亦與焉。于是遷而遂卒。諡曰文公。是危身利民之稱文也。衛大夫孔圉諡曰文子。子貢疑焉。惟敏而好學。不恥下問。仲尼與之。是勸學問之稱文也。府君所在。屢以忤違。防以深患。苟除民害。死生以之。前後三黜。一離胥靡。于身危矣。策包六典。命世作師。猶復宗事趙叟。示有修尊。能下問矣。有一于此。猶可以稱況。乃忠兼三義。文備三德。于古志不悖。而證法亦曰宜矣。本議曰。忠文子。按古之以子配諡者。魯之季文子孟懿子。衛之孫文公叔文。皆諸侯之臣也。至于王室之卿大夫。其尊與諸侯並。故以公配。春秋曰。劉卷卒。葬劉文公。公羊傳曰。劉卷者何。天子大夫也。經又曰。王子戌卒。左傳曰。王叔文公卒。而如同盟禮也。

此皆天子大夫得稱其禮與盟諸侯敵文明也。又禮緣臣子咸欲尊其君父。故雖侯伯子男之臣。自稱其君。咸得曰公。及其卒也。異國之人稱之。皆然。是以鄉子許男公以葬。春秋之正義也。以例言之。則府君王室亞卿也。有王叔劉氏之比。臣子之辭言之。則有鄉許稱公之文。雖無土而其位是也。今日公猶可。若稱子則降等。多以懼禮廢。曰久將說時聽。周有仲山甫伯陽嘉父子賢老之福。老之稱也。宋有正考父魯有尼配陞之稱也。春秋曰孔父子曰伯某父亡之稱也。父雖非爵。號與同禮。天子諸侯咸用優賢異亡。順乎門人臣子所稱之宜。可於公父之中。擇一處焉。斯不得稱子而已。

鼎銘

忠文朱公名穆。字公叔。有殷之胃。微子啓以帝乙元子。周武王封諸宋。以奉成湯之祀。至元子啓生公子朱。其孫氏焉。後自沛遷于南陽之宛。遂大宋。爵位相襲。烈祖尙書令肅宗之世。守于臨淮。考曰先生。實爲陳留太守。乃及忠文。克慎明德。以服享祖禰之遺風。悉心臣事。用媚天子。顯允其勳績。尋綜六藝。契闊馳思。所以啓前惑而覺後疑者。歷歷焉。雖商僂其猶疾。諸初舉孝廉。除郎中尙書侍郎。豐令。蜀口運隊存亡之要。乃諫五事。諫謀深切。退處獻。以察天象。草應著焉。孝順憂。駕賊發江淮。時辟大將軍府。實掌其事。用拜宛陵令。非其好也。遂以辟復辟大將軍。再拜博士高第。作侍御史。明司國憲。以齊百僚。矯枉直。罔不阿順。以黜其位。潛于郎中。羣公並表。乃遷議郎。登于東觀。纂業前史。於是冀州內荒。年饉民饑。而食禁之徒。乘之爲虐。錫命作牧。靜其方口。乃總洪化。荷靈武。昭令德。察羣達。貞良者封植。殘民芟夷。去惡囚人。獸增主之盜。相與比而作匿。用陷我非辜。復徵拜議郎。病免官。徵拜尙書。清一以考其素。正直以醇其德。出納帝命。乃無不允。雖龍作齋梁。山父喉舌。靡以尙書。享年六十有四。漢皇二十一世。延熹六年夏四月乙巳。卒于宮。天子痛悼。詔曰。制詔尙書朱穆。立節忠亮。世篤爾行。處恪機任。守死善道。不幸而卒。朝廷閔焉。今使樞謁者中郎楊賁。贈穆益州刺史。印綬。魂而有靈。嘉其寵榮。嗚呼哀哉。肆其孤用。作茲寶鼎。而銘載體功。俾後裔永用享祀。以知其先之德。

墳前石碑

維漢二十一世延熹六年。粵四月丁巳。文忠公益州太守朱君名穆字公叔。卒于京師。其五月丙申。葬于宛邑北萬壽亭。李膺。舊光祿之南。其孤野受顧命曰。古者不崇墳。不封墓。祭服雖三年。無不于疑。今則易之。吾不取也。爾其無拘于俗。無廢于誠。野飲率遵。意不敢有違。封墳三祝。不起棟宇。乃作祠堂于邑中南白陽里。備器饗鼎銘功德。懷墳封嗣久。夷于平壤。于是依德像。緣雅則。設茲方石。鎮表靈域。用慰其孤。罔極之懷。乃申詞曰。

歆惟忠文。時惟朱父。實天生德。不承洪緒。綱維典衡。允迪聖矩。好是貞厲。疾彼強禦。斷剛若丸。柔亦不茹。仍用明夷。遷改受侮。帝曰休哉。朕嘉乃功。命汝納冑。胤女祖踐。父拜稽首。翼之惟恭。謂督不忘。夙夜在公。昊天不吊。降茲篤殃。不遺一介。俾屏我皇。我皇悼心。錫諸孔傷。位以益州。贈之服章。用刊彝器。宜昭遺光。子子孫孫。永載寶藏。

王子喬碑

王孫子喬者。蓋世上之真人也。聞其仙術矣。不知興於何代。博聞道家。或言潁川。或言彥蒙。初建斯城。則其斯丘。傳承先人曰王氏。紹胤不繼。荒而不嗣。歷載彌年。莫之能紀。泊于永和元年。十有二月。當臘之夜。上有哭聲。其音甚哀。附居者王聞而怪之。明則登其荒。察焉。洪雪下。無人踪。見一大鳥跡。有祭祀之處。左右或以爲神。其後有人者。絳冠大衣。杖竹箴。立家前。呼鳩孺子尹弋謂曰。我王子喬也。爾勿復取。晉先人墓前樹也。須臾忽然不見。時令太山萬縣稽古老之言。感精瑞之應。吾訪其驗。信而有徵。乃造靈廟。以休厥神。於是好道之儔。自邇來集。或絃歌以詠太一。或談思以歷丹田。其疾病危療者。靜躬祈禱。即獲痊。若不虔恪。轉輒顛路。故知至德之宅兆。真人之先祖也。延熹八年秋八月。皇帝遣使者奉犧牲。以致祀祇懼之敬。肅如也。相國東萊王章字伯義。以爲神聖所興。必有銘表。昭示後世。是以賴焉。

魏伯陽之踪。關民慕尹喜之風。乃爲長史。邊乾。訪及士。蘇。遂樹玄石。紀道烈。俾志道之所有覽焉。

伊王君。德通靈。含光耀。乘純貞。應大道。榮久榮。源長風。乘世俗。飛神形。翔雲霄。浮太清。乘鸞龍。載綢軒。戴華笠。奮金輪。抽羽儀。曳霓旌。驩罔極。壽億齡。然篇孝。念所生。歲終闕。發丹情。存嘉祿。舒哀聲。遺鳥跡。覺舊城。被絳衣。垂紫纓。呼瀾子。告姓名。由此悟。感祐靈。修嗣宇。反几筵。饋饌進。甘香時。傾顯匡。口流祉。熙帝庭。祐邦國。相爵民。光景耀。耀無垠。